



# **МАРКАЗИЙ ОСИЁДА ТҮГРИДАН-ТҮГРИ ХОРИЖИЙ ИНВЕСТИЦИЯЛАР ВА ИҚТИСОДИЙ ҮСИШ**

**ПРОГНОЗЛАШТИРИШ  
ВА МАКРОИҚТИСОДИЙ  
ТАДҚИҚОТЛАР  
ИНСТИТУТИ**

**ТАЙЁРЛАДИ:  
ТАШҚИ ИҚТИСОДИЙ  
ФАОЛИЯТ МАСАЛАЛАРИ  
БҮЙИЧА ЛОЙИХА**

## **Марказий Осиёда тўғридан-тўғри хорижий инвестициялар ва иқтисодий ўсишга таъсир этувчи омиллар**

**Икболжон Касимов,**  
Прогнозлаштириш ва макроиқтисодий тадқиқотлар институти  
Лойиха раҳбари  
E-mail: [ikboljon.kasimov@hotmail.com](mailto:ikboljon.kasimov@hotmail.com)

**Баҳодир Маматов,**  
Прогнозлаштириш ва макроиқтисодий тадқиқотлар институти  
Таянч докторант ва катта илмий ходим  
E-mail: [bakhodir\\_kuldoshovich@mail.ru](mailto:bakhodir_kuldoshovich@mail.ru)

**Зоҳиджон Маҳмудов,**  
Ўзбекистон Халқаро ислом академияси  
Хорижий мамлакатлар иқтисодиёти ва мамлакатшунослик  
йўналиши З-босқич талабаси  
E-mail: [zohidjonmahmudov13@gmail.com](mailto:zohidjonmahmudov13@gmail.com)

### **Кириш**

Ушбу тадқиқот Марказий Осиё мамлакатлари иқтисодиёти мисолида хорижий инвестицияларни жалб қилиш учун ривожланаётган мамлакатларда тўғридан-тўғри хорижий инвестицияларга (ТТХИ) таъсир этувчи омилларни ўрганишга қаратилган. Тадқиқот натижалари шуни кўрсатдики, савдонинг очиқлиги, табиий ресурслар ва бозор ҳажми хорижий инвесторларнинг минтақа мамлакатлари иқтисодиётига тўғридан-тўғри инвестицияларни жойлаштириш қарорини белгиловчи асосий омиллардир. Иқтисодий ўсиш бўйича ҳисоб-китобларга кўра, тўғридан-тўғри хорижий инвестициялар, табиий ресурслар, инсон капитали ва инфратузилма иқтисодий ўсишга ижобий ва сезиларли таъсир кўрсатади. Аксинча, савдо очиқлигининг таъсири салбийдир. Тадқиқот натижалари хорижий капитал оқимини сақлаб қолиш, ошириш, минтақада иқтисодий ўсишни тамиллаш бўйича хулоса ва тавсияларни беради.

Глобаллашув даврида тўғридан-тўғри хорижий инвестициялар ривожланаётган давлатлар учун иқтисодий шароитларни яхшилаш ва халқаро савдо тўсиқларини йўқотиш учун муҳим ташқи молиявий манбага айланди. ТТХИ Ўзбекистон каби ривожланаётган мамлакатнинг иқтисодий юксалишида катта аҳамиятга эга. Чунки у янги технологиялар, технологик тажриба, капитал, илмий ва бошқарув амалиётларининг манбаларини тақдим этади. Бундан ташқари, тўғридан-тўғри инвестициялар оқими ривожланаётган мамлакатларнинг бозор иқтисодиётига ўтишини рағбатлантиради, халқаро рақобатбардошликка эришиш ва бандлик даражасини оширишда ёрдам беради. Марказий Осиё мамлакатлари денгизга чиқиш имкониятига эга бўлмаса-да, Қозогистон, Қирғизистон, Тоҷикистон, Туркманистон ва Ўзбекистонда 76 миллиондан ортиқ киши истиқомат қиласидиган катта истеъмол бозорига эга. Бу мамлакатларнинг барқарор иқтисодий ҳолати ва

географик жойлашуви хорижий сармоядорлар учун сармоя киритиш ва Марказий Осиё бозорига қийинчилексиз киришда катта устунлик беради.

## **Методология**

Ушбу тадқиқот чоғида 2000-2020 йилларни қамраб олган панел маълумотлардан фойдаланилди ҳолда тўғридан-тўғри хорижий инвестицияларнинг детерминантлари ўрганиб чиқилди ва хорижий инвестицияларнинг Марказий Осиёдаги иқтисодий ўсишга таъсири баҳоланди. Бунда Prais-Winsten регрессион модели ва 2SLS усули қўлланилди.

Тадқиқот давомида ЯИМ бозор ҳажмини – MS, савдо очиқлиги - ТО (ташқи савдо/ЯИМ), мамлакатнинг ташқи савдо учун иқтисодий очиқлигини қўрсатади ва табиий ресурслар - NR (жами табиий ресурс ижараси / ЯИМ), ресурслар рентасининг аҳамиятини билдиради. Инфратузилма – INF, 100 кишига тўғри келадиган мобил телефон обуналари сони сифатида ўлчанади ва инсон капитали – НС билан белгиланган.

## **Таҳлил натижалари**

Тўғридан-тўғри хорижий инвестицияларнинг детерминантлари бўйича Prais-Winsten регрессияси натижалари 1-жадвалда келтирилган.

**1-жадвал: Тўғридан-тўғри хорижий инвестициялар - Prais-Winsten regression (PCSEs)**

Tўғридан-тўғри хорижий инвестициялар	Coef.	Std. Err.	t-value	p-value	[95% Conf	Interval]	Sig
Бозор ҳажми	1.214	0.155	7.83	0.000	0.910	1.518	***
Савдо очиқлиги	0.015	0.003	4.83	0.000	0.009	0.022	***
Табиий бойликлар	0.014	0.006	2.67	0.008	0.004	0.027	***
Инфратузилма	0.154	0.064	2.20	0.028	0.015	0.265	**
Инсон капитали	0.516	0.154	3.36	0.001	0.818	0.215	***
Доимий	-2.046	2.775	-0.74	0.461	-7.486	3.393	
Mean dependent variable		20.210		SD dependent var			1.827
R-squared		0.780		Number of observations			95
Chi-squared		260.408		Prob > chi2			0.000

\*\*\*  $p < .01$ , \*\*  $p < .05$ , \*  $p < .1$

Хисоб-китоблар шуни қўрсатадики, бозор ҳажми Марказий Осиё мамлакатларидаги хорижий инвестициялар ҳажмига ижобий ва сезиларли таъсир қўрсатади ( $\beta=1,24$ ;  $p=0,00$ ). Бозор ҳажмининг коеффициенти бозор ҳажмининг 1 фоизга ўзгариши тўғридан-тўғри хорижий инвестициялар ҳажмининг 1,2 фоизга ўзгаришига олиб келишини билдиради. Савдо очиқлиги ( $\beta=0,015$ ;  $p=0,00$ ) ва табиий ресурслар рентабеллиги ( $\beta=0,014$ ;  $p=0,00$ ) ҳам тўғридан-тўғри хорижий инвестициялар билан ижобий ва муҳим боғланишга эга. Бунда табиий ресурслар ва савдо очиқлигининг 1 фоизга ўсиши инвестицияларнинг мос равища 1,5 ва 1,4 фоиз ортишига олиб келади. Инфратузилма ( $\beta=0,154$ ;  $p=0,015$ ) ва инсон капитали ( $\beta=0,516$ ;  $p=0,00$ ) бўйича регрессия натижалари ҳам тўғридан-тўғри хорижий инвестициялар билан ижобий ва муҳим боғлиқликни қўрсатади. Ушбу натижалар Марказий Осиё мамлакатлари ва хорижий инвестициялар оқими бозор ҳажми, савдо очиқлиги, табиий ресурслар билан таъминланганлик, замонавий инфратузилма ва инсон капитали билан

боғлиқлигини күрсатади.

**2-жадвал: Иқтисодий ўсиш - Prais-Winsten regression (PCSEs)**

Иқтисодий ўсиш	Coef.	Std.Err.	t-value	p-value	[95% Conf	Interval]	Sig
Тұғридан-тұғри хорижий инвестициялар	0.160	0.039	4.13	0.000	0.084	0.236	***
Савдо очиқлиги	-0.005	0.002	-3.45	0.001	-0.008	-0.002	***
Табиий бойликлар	0.015	0.004	3.94	0.000	0.008	0.023	***
Инфратузилма	0.193	0.027	7.20	0.000	0.141	0.246	***
Инсон капитали	0.317	0.113	2.79	0.005	0.095	0.539	***
Доимий	-1.404	1.619	-0.87	0.386	-4.577	1.768	
Mean dependent variable		7.362		SD dependent var			1.149
R-squared		0.953		Number of observations			95
Chi-squared		277.330		Prob > chi2			0.000

\*\*\*  $p<.01$ , \*\*  $p<.05$ , \*  $p<.1$

2-жадвалда эса тұғридан-тұғри хорижий инвестицияларнинг Марказий Осиё давлатларидаги иқтисодий ўсишга таъсири бүйича регрессия натижалари келтирилган. Натижаларга күра, тұғридан-тұғри хорижий инвестициялар бүйича коефициент ижобий ва мұхим ( $\beta=0,16$ ;  $p=0,00$ ). Хорижий инвестициялар оқимининг 1 фоизга үзгариши иқтисодий ўсишнинг 0,16 фоизга үзгаришига олиб келиши мумкин. Бу натижа Марказий Осиё мамлакатлари иқтисодиети катта сармояға мұхтож ва чекланған молиявий ресурсларға ега бўлган ўтиш давридаги иқтисодиёт эканлигини билдиради. Демак, хорижий капитал оқимининг таъсири сезиларли ва ижобий. Ажабланарлиси шундаки, савдо очиқлиги салбий ва мұхим бўлиб, савдони эркинлаштириш, айниқса ривожланаётган мамлакатларда ўсиш билан тұғридан-тұғри ижобий боғлиқликка ега эмаслигини англаади.

## Хулоса

Ушбу тадқиқотда 2000-2020 йилларни камраб олган панел маълумотлардан фойдаланилган ҳолда тұғридан-тұғри хорижий инвестицияларнинг омиллари ўрганиб чиқылди ва хорижий инвестицияларнинг Марказий Осиёдаги иқтисодий ўсишга таъсири баҳоланди. Регрессия натижалари бозор ҳажми, савдо очиқлиги, табиий ресурслар, инфратузилма ва инсон капиталининг тұғридан-тұғри хорижий инвестицияларга ижобий ва сезиларли таъсирини күрсатади. Тұғридан-тұғри хорижий инвестициялар ва иқтисодий ўсиш ўртасидаги боғлиқлик таҳлил қилингада эса ТТХИ минтақадаги иқтисодий ўсишга сезиларли ва ижобий таъсир қилиши аниқланди. Бундан ташқари иқтисодий ўсишга табиий ресурслар, инфратузилма ва инсон капитали ҳам таъсир этиши маълум бўлди.

Ушбу тадқиқот натижалари иккита асосий сиёсий жиҳатни күрсатади. Биринчидан, Марказий Осиё мамлакатлари ялпи ички маҳсулотнинг ортиши, жаҳон савдоси билан янада интеграциялашуви, табиий ресурслардан самарали фойдаланиш, самарали инфратузилма ва ишчи кучи мавжудлиги билан тавсифланған сармоявий қулай бизнес мухитини яратиши керак. Бироқ, табиий ресурслардан фойдаланиш ва экологик барқарорлик ўртасидаги боғлиқлик иқтисодий фаолиятнинг қучайиши таъсирини камайтириш учун сақланиши

лозим. Шунинг учун ўзаро муносабатлар инсон фаровонлигини таъминлаш, самарали иқтисодий фаолликни ошириш ва табиий ресурсларнинг камайишини олдини олиш учун мустаҳкамланиши зарур. Иккинчидан, минтақадаги иқтисодий ўсишга тўғридан-тўғри хорижий инвестициялар оқимининг кўпайиши, табиий ресурслардан самарали фойдаланиш, инфратузилманинг яхшиланиши, билимли ва малакали ишчи кучи мавжудлиги каби омиллар таъсир этади. Шу сабабли Марказий Осиё давлатлари хорижий капиталнинг узлуксиз оқимини таъминлаш ва иқтисодий ўсишни рағбатлантириш учун ушбу омилларга устувор аҳамият беришлари керак.